









玉峰詩纂卷四

皇明

顧潛 潛字孔昭恂之孫弘治丙辰進士  
改庶吉士授監察御史凡三上疏皆指切  
時政嘗輯稽古治要獻之提督京畿學校  
勵志作人士皆畏服竟以直簡忤當道出  
為馬湖知府所著有靜觀堂稿岷山志玉  
峰文獻錄

初秋感興一首

雲淨大火流氣肅穉金屬仰視天宇清  
泠寥上無際南榮測曦畧北巘躋爽氣  
赤鷗重霄摩玄



鶴九臯唳灑灑蘇病骨颯颯生遠思美人天一  
方尺素不可致長夜觴瑤池繁絲激哀吹羣舞  
翔翠曾綽態洵姣麗騁望何荒忽鼓柅浮西澨  
羅生多杜蘅蘭芷未蕪穢芳馨采盈匊貽爾宜  
克佩安得鳳之媒騰駕余偕逝

郊行

曉出縣東門行此滄涇潯宿霧收平野晴旭動  
高林停棹觀元化拄笏聽鳴禽羽類感陽和如  
簧調好音物我得真契田園諧夙心土脉日已  
和農工始自今逝將辭城市沮溺長相尋新篇  
或自咏濁酒還獨斟但適閑居趣應忘歲月深

沈本初 本初字大中邑人少孤貧喜為  
詩冲澹和平老而彌篤有婁曲山人集後  
為其叙

嘯臺晚眺

日暮凌高臺幽懷一何閒凭闌縱遐眺玄嶠信  
可攀佳氣接丘壑寒木生春顏雙鳧下澄沼一  
鳥鳴花間欣欣物意榮寧知光景遷倚劍白雲  
中賦詩蒼崖顛飄然拂衣起采菊歌南山

旅次值新秋

涼風動高梧鄉思忽飛揚回望東南程曲曲如  
迴腸良宵耿不寐清步依長廊明月掛海色玉



露凋春芳眷茲遊子心涕淚沾衣裳

題画有懷

獸樹倚孤嶼蕭蕭生夜涼幽人不可見海月自  
蒼蒼

燕

紫燕雙雙下玉波  
嘶泥偏傍畫簷多  
少堂亦在春風裏  
歲歲年年不見過

送周山人南

東風晴日送餘寒  
野色山光正可看  
立馬春亭勸君酒  
醉君容易別君難

南巡歌五首

天下山河混一家  
浪傳宣大起胡笳  
君王自將三千士  
淨掃胡塵日未斜  
錦纜牙樯萬斛舟  
忽傳龍馭下揚州  
揚州自古繁華地  
不為烟花得少留

玉輦春臨玄武湖  
錦衣中使執金弧  
龍韜未盡穿楊伎  
画戟高懸雙玉鳧

碧柳春繁朱雀橋  
東風晴日送旌旄  
吾皇一出烟塵淨  
將士何知汗馬勞

金陵佳氣接蓬萊  
綠水朱樓面面開  
記得先皇行幸處  
五雲高護鳳皇臺

文徵明

徵明先名璧以字行長洲人善



屬文工詩其山水圖畫洎篆隸行少皆人所難及而制行高古尤為士林之冠與朱恭靖公並稱吳中二老以諸生計偕京師用薦為翰林待詔年九十終

子顓登第留京師秋夜寄懷

不見周甥歲再更書來珍重自神京春風正躍長安馬曉日還聞紫禁鶯盛世才賢欣得意暮年親舊獨閑情秋燈細雨裁詩處白髮江湖一夜生

子顓再使滇南賦此奉贈

碧鷄金馬擁蓬萊萬里旌旗宿霧開王事未能忘靡盬勝遊端不厭重來馬緣天棧秋雲冷猿嘯霜林夜月哀酬取壯心鄉思盡點蒼南畔一登臺

夜宿婁江舟中

新霜欺酒易為醒歸夢綠村未得成風約婁城寒漏永月明翫鋪夜潮生翫子舖名百年憂樂孤舟味一榻江湖萬里情正是苦吟無奈冷隔江原樹起秋聲

作木涇圖題贈子顓

木涇見說幽居好喬木蒼蒼玉一灣雅稱名園依綠水別開高閣占青山百年勝槩人增重十



里風烟興寄閒去去僊郎方許國莫緣魚鳥便  
思還

沈周 周字啓南長洲人善為詩其画山  
水花木翎毛皆入神品

過陽城湖

芳辰二三客飛櫓泛空明野酌臨流動春湖帶  
雨行浪中汀樹亂船裏濕雲生吾欲觀天趣悠  
然留去情

周倫 倫字伯明邑人倫文叙榜進士為  
新安尹有善政改御史擢大理寺丞少卿  
僉都御史兵部侍郎兩京刑部尚書累任

歷有建白生平溫恕明允卒贈太子少傅  
謚康僖有文集十二卷

三月三日雨霽登馬鞍山次韻

春暮日始霽尋幽憇山床洞壑石衣冷幢幡松  
雪香界寬出遠景鉢淨涵清光悠然倚雲閣極  
目塵沙場

春詞二首

午夢驚迴玉漏聲起凭花檻對春城花香祇送  
春消息綠少芊芊何處生

水晶簾外雨霏微隄柳青青拂禁扉又是東風  
三月裏百花臺榭綠雲飛



金陵徐氏東園二首

公子開瑤席名園俯碧潯古臺垂落日石壁倒  
長林埜望天疑下谿盤洞轉深繁絲激流吹清  
切自関心

春山同晚眺乘興即山陰徑滑露華重月高河  
漢沉歌鐘嘶檣馬林火散溪禽朋舊過逢地園  
名不用尋

送馮太守均美得請還岷

諱琨邑人

登州太守辭官早行李蕭蕭與渺然曉闕自投  
毛義檄秋江忽上賀真船平生經術鄉評在一  
代循良國史傳我尚風塵歸未得幾回清夢

玉山顛

梅

滿谿杉竹翠交加半榻春風坐日斜深院一聲  
吹玉笛不知牆外有梅花

送邊司徒華泉致政還濟南

彩鳳虞廷集紅雲魯岱歸松関新玉杖筠篔簹  
荷衣江甸風烟隔秋旻鸛鶴飛子期元不死莫  
遣玉琴稀

聞笛

霜冷江長秋水清夜深秋月浸江明數聲不斷  
関山曲吹得離人夢不成



送胡侍郎致仕

石頭城下東流水  
驪歌未闕江風起  
盧龍飛盡嶺頭雲  
迴望金陵暮烟紫  
張帆東去水泠泠  
我欲乘船過洞庭  
江北江南坐超忽  
臨風一笑醉江亭

送王明府擢長沙貳守

諱廷蜀人

烟霄又起王喬鳥  
花縣方調宓子絃  
翻為謫居名日重  
却思風裁凜依然  
登臺倘憶三江路  
過雁須傳五嶽篇  
不久長沙徵賈傅  
老臣重紀中興年

焚玄所看菊

遠天長塞鴻雁飛  
風山木落黃葉稀  
籬邊有菊競金紫  
九十秋光寒不死  
看君持酒餐落英  
下有百尺寒潭青

顧鼎臣 鼎臣字九和恂子數歲能屬文

弘治乙丑舉進士第一嘉靖初為經筵講官音吐洪暢敷陳簡切上甚嘉之累官太子太保禮部尚書兼武英殿大學士世宗南巡命公居守亡何病卒于位贈太保謚文康有文集若干卷

弘治甲子觀潮

海若鞭潮出海門  
霆奔雪捲帶靈雰  
六鰲駕撼



三山動萬馬聲傳百谷聞應識更期人似玉往  
觀誰使女如雲傳巖舟楫真時用巨濟功成日  
未曛

元夕

春歸二日是元宵氣暖天街凍漸消月殿簾櫳  
開永夜帝家燈火徹層霄王孫花裏呼春酒仙  
子雲中弄玉簫獨有宦遊愁寂處短檠華髮影  
蕭蕭

題世壽堂

里人周壽誼年一百十六歲

吾峴周壽翁生宗景定間閱世訖元籙重逢昌  
運還 高皇御宸極 詔接開龍顏醴食

本寺卿時天地分祀之議興因譏郊祀論  
二篇略曰天地混是一體正如我身上帝  
至靈正如我心人心之靈只有一个主宰  
獨運天地之靈安得有二也故以社配郊  
則可以北郊對南郊則大不可惟心無對  
上帝至尊豈有對乎且因事納忠不一而  
足輔臣陰排之弗克用遂致其政而歸天  
下賢士大夫莫不以其出處卜道之污隆  
言官論薦無虛歲而考槃寤言迥然自適  
其適也其學主于立本研幾由慎獨以通  
乎性命稽古以協于明誠然始焉博學上





原件短缺



之天文下之地紀近之人倫遠之物理器  
數之要禮樂之原靡不研精覃思悉其條  
貫後乃反說于約會而通之嘗曰上天之  
載無聲無臭惟潛龍為近之可謂闡聖學  
不傳之秘矣所著大學指歸六書精蘊海  
內稱為莊渠先生有遺書十六卷行于世  
又有師說語錄凡若干卷卒贈禮部侍郎  
謚恭簡

疊劉靜修韻

高臺枕石帶清流坐我渾如太乙舟  
山色倒垂空是色雨聲倏變暑成秋  
水通地底地何著海  
接天涯天共浮  
咲問白鷗鷗臆對心含天地可  
他求

觀海

平生幾欲挽天河靜洗塵襟一點無  
今日濯纓  
滄海上重重塵垢費消磨

周廣 廣字亮之邑人少孤貧勵志篤學  
舉弘治乙丑進士授莆田知縣廉公自勅  
改知吉水召為御史即抗疏言錢寧撓亂  
國法貶懷遠驛丞寧陰使人遮刺之變服  
間道得脫量移知建昌寧懷舊憾再謫竹  
寨驛丞自構草舍與門生講學不輟寧伏



誅詔復御史尋陞江西僉事轉兵備副使  
改提學陞福建按察使僉都御史南京刑  
部侍郎卒廣居止凝重廉隅峻潔動與時  
忤雖遭譏侮弗顧也有玉巖集

宮詞二首

碧窓開傍杏花枝春日融融向午遲  
獨倚闌干看雙蝶隔窓相逐趁風吹

策名禁掖即承明何必求文風至尊况復年來  
輕盛色空懷明月坐黃昏

官窰達小金山

蕩漾官窰口看雲悵別離萬山成獨往一水繫

相思細雨蘼蕪綠微風桂楫遲故鄉何處是不  
復記來時

望韶州香燭山

山有張曲江墓

黃塘南下碧溪潄渺渺平蕪入翠岑遷客路迷  
津驛遠曲江人去暮雲深踈烟遠岫三湘思落  
日滄江萬里心古木半枝棲夜月不堪猿鶴和  
清吟

擬古寄同年方時舉

庭中有桂樹好鳥鳴枝頭遊子懷所思中腸沉  
百憂豈不愛春芳芳春久淹留安得同心人俯  
仰常優游



感寂詩八首

秋風動蟋蟀枝上鳴鷓鴣群芳正蕨蕤胡為坐  
消歇物理有推遷蹉跎惜朱顏出郭為卜居聊  
以終吾年

井渫必先竭木材必先蓄楚人弔龔勝莊子哀  
廟犧傑哉禰正平殞身鸚鵡辭君子貴知命胡  
乃是棲棲千載讀此文感激生酸悲

塞月照青海蕭條多朔風長安銳頭兒跨馬如  
飛龍自言良家子結髮事兵戎赤心報天子突  
入單于宮去病不顧家李廣耻侯封一洗漢家  
辱歸來不言功上書修文德緩急奉君終

聖人育羣動至和薰兩間神僊私一身逆化求  
長年八駿窮宇內三山驅石鞭幻罔惑終古周  
秦安在焉脫蹤謝人世諒哉非至言

幽蘭生空谷桂樹叢芳林清風為之媒流芳玉  
臺陰歲久不能媚棄置遂淪沉當其未遇時豈  
有求賞心蘭桂性不改寧萎林谷岑

東人女西子西家女無鹽娟娟貯金屋一身比  
三千西家聘問寡四十婚媾愆西子兆女戎舉  
國蕩燼烟蛾眉掩黃土老醜尚爭妍松柏有貞  
性殊與金石堅桃李灼灼姿委泥春風前去去  
莫復道榮華何足言



瑶臺三株桂玉露夜團團昔年神鳥來經宿棲  
其端一剔去千載桂枝蟾影寒花開不結實香  
風寰宇間我欲緘一書因風謝神鳥道路阻且  
長川源復浩淼引領瞻紫微憂懷不能埽  
鬱鬱盤石松女蘿卷青蔓飛飛楊柳花連雲蔽  
霄漢婉戀復飄揚春心何浩蕩為謝隄上人莫  
追黃犬歎

匪石軒

長林被青靄斷澗瀉潺湲擊水碎明月開窓來  
遠山草抽書帶葉花發玉童顏體悟靜中意誰  
能宇宙閒

舟行摩慶途中觀山

青山鎮長在白雲飛不歸悠悠萬古意回薄蒼  
冥微虛谷抱深靄浩波奔駭磯孤懷澹秋色落  
日散晴暉

聽琴

風日澹軒宇道人凝素心竹間一高士膝上有  
橫琴絕唱遺清響孤凰下碧岑浮雲送流水幽  
思杳難尋

過洪都上南安

風雨漫漫江路微故園春盡不知歸無端又向  
梅花嶺馳逐天南燕子飛



竹堂宴寢

晚風籬落豆花香有客和雲卧竹堂  
溪鳥隔林相喚醒滿天明月散清光

望衡嶽

被髮騎麟下大荒泛觀南海又衡湘  
三閭不見空延佇惟有浮雲薄太陽

出淶口驛

棹歌聲斷楚天雲竹外茶烟日未曛  
山色橫江流不去彩鷺浮動碧波紋

山行望辰陽

朝扣天關下九重扶桑晞髮夕崆峒  
鞭笞鷲鳳

游雙目飛入千峰紫翠中

慧慶寺逢春示馬子脩

沅江春色動天來滿眼風花入酒杯  
不用登臨問消息夜深羌笛落殘梅

古意一首和汪汝成

盤盤南山松下有千歲苓山人服食之  
輕身得長生上有雙鳴鶴凌跨歸青冥  
借問如何人云是蟾蜍精一去三千年  
逍遙廣寒庭秘訣不傳世白日空留名

泊江口驛次壁間王伯安韻

大火忽西逝微涼生竹樓空山亂雲結  
淡月澄



江流弄笛梅花曲扣舷木蘭舟襟期托千古寒暑與懽愁

將出辰州追毛汝礪不及

倚棹雲溪驛津人遞使程流雲空極目逝水總傷情獨立烟山暮徐行靈渚明後期卜何日終歎子猷行

贈危生嶽東歸

佇望仙舟下寶山江風吹柁浪潺潺丹崖翠壁青雲裏帶我春樓月色還

遺辰州張尹

江口風逾急孤舟日已西多情山上月相送過

辰溪

汪僉憲以古詩見寄病不能酬茲江行自盱回喜而有言

青湖能愛我惠我雙明珠佩之紫錦囊清風何颯如淹留疾未起左右時光輝開戶見積雪乘船泛清渠石門曉林翠數峰橫竹廬微陽霽征楫江色澄寒虛解佩看明珠疑恐洛妃窺舟次京口懷孟望之

落日歸帆浦清江引釣磯參橫廣陵樹天遠潤州扉有美人何在無絃琴自揮相將問平素猶記叩彤闈



張寬 寬字德宏邑人弘治乙丑進士闈  
爽有才任錢塘知縣擢刑部主事員外郎  
終廣東按察僉事平時不以詩名而標韻  
自遠

秋興

天高盈秋色悠然有所思一年過太半世事眇  
何期渚蓮愁飄落芙蓉映淪漪凭闌雨初歇強  
賦并州詩

吉水有懷

祇役赴南海歷歷西江濱高城鬱莽蒼中流氣  
氤氳楓林繫春花社火映遠村北堂渺無際天

高飛白雲

秋日山居

涼秋氣澄寂山居趣不稀地清苻帶長天高雁  
字微籬落茱萸多尊鱸齒牙肥對此罄一尊素  
抱良不違

早朝

曉日含青嶼踈鍾散紫烟聞雞頻祝夜騎馬獨  
朝天馳道千官肅梯航萬國先御鑪香不定  
長繞翠華邊

中秋十三夜予容編脩樓同何舍人仲默孟  
戶部望之用何韻



玉華詩集卷四  
節近欵良宵清光萬里遙風傳閔塞曲晴驗海  
門潮對客詩難就憑高酒易銷回瞻漢宮闕添  
得髣蕭蕭

九日雪峇崔太史子鍾

九日宜無雨茲辰雪更催弄寒輕試瑞積素欲  
成堆粉署依依入黃花故故開梁園方獻賦今  
似謝公才

滁陽山中

一徑入蕭森千山秋色深迷途終感慨多難復  
登臨戰伐中原事安危上帝心夜來長樂夢強  
半在雲林

苦熱答顧侍御孔昭二十五韻

歲叙屬火運斗柄指離丙伏暑正方熾炎威倍  
常逞寰宇鑪錘肆市廛鬱蒸穿雲漢倬熒熒陽  
烏光炳炳巫阡亦赫灼壬符罔驅屏襍禛那暫  
披襟襪孰健騁風落燥壁蝟塵封涸轍尾當此  
鑠石時真逢沸羨景樵子赤似猩牧人黑類青  
征鎬甲胃熏渡灑士卒哽翔鶴下垤鳴征婦苦  
日永只宜表紹盃敢就鄭莊請鐫鑪亦厭拘琴  
瑟詎能整予問憇遲留儀文權殺省大叫欲踏  
冰無所思陷井濯泉淨冠纓浴溪班苻綆晏疏  
未遑陳馬諫匪徒幸造物詎能亢動極自宜靜



大火忽流庚炎光漸滅影西北宣肅威襟裾沁  
涼冷舒發登眺情盤栢松菊境瀟洒舟一葉澄  
碧波千頃坐待月華臨漫把酒權秉方喜煩抱  
開何辭苛政猛苦熱為作歌效顰敢和郢

方鵬

鵬字時舉邑人自幼岐嶷登正德

戊辰進士授南京禮部主事累遷山西提  
學副使以薦改右春坊右庶子兼翰林院  
修撰陞南京太常寺卿致仕累薦不起年  
七十終為詩文尚典雅不事雕琢所著有  
矯亭集責備餘談續觀感錄崑山人物志

感遇

道逢羽林子意氣何激昂自言少無賴杖劍從  
汾陽長驅入沙漠志在虜名王三年戰不利支  
體徒自傷歸來猶故吾思之熱中腸酒酣看舊  
劍猶自發靈光

雛燕

雛燕羽方燥學飛風力柔乍飛集簷牙載飛登  
屋頭稍近令母喜漸高令母憂一朝忽颺去數  
里未知休日暮竟忘歸母燕空喧啾啣虫不下  
咽欲哺無所投明年雛作母方知母心苦

壽玉峰朱太宰十韻

吳下家聲舊睢陽世澤新雲霄驚步驟玉雪避



王華詩集卷四  
精神賈董承清問夔龍立要津 聖心勞啓沃  
士類樂陶鈞禮樂從先進文章淑後人虞庠優  
大老周室重純臣八座階資峻三朝寵數頻  
名留館閣標格離風塵枕上安閒夢樽前健在  
身齒尊兼德邵山斗仰儒紳

送邵思抑

銳

十載瀛仙得補祠出門搔首欲何之  
鼎彝勲業空馳夢粟帛文章解濟時  
野老漫從疏傳樂市童應笑杞人痴  
何時買棹來尋社卧向滄江理釣絲

留別吳克學

仕

城上啼烏散夕陰天涯行客動高吟  
苦無善藥扶多病喜有閒曹稱懶心  
杯酒交情秋水淡江山歸路白雲深  
孤舟後夜棲何處月落潮生思不禁

弔顧尚書墓次韻

邑人諱讓

斷嶼平坡野色分行人遙指上卿墳  
群公燕集多談古皇祖龍飛即右文  
八座勲名光里閔百年封樹絕來雲  
不堪歇馬重回首數點歸鴉帶夕曛

秋懷和張補之太史韻

風起天街塵暗飛鱸魚正美未能歸  
年年老去



王季詩集卷四  
愁着鏡日日朝回欲點衣塞雁已隨新社至海  
鷗疑與舊盟違夜深獨坐頻搔首涼月蒼茫映  
紫薇

送錢上舍歸京口和楊閣老韻

三年燈火橋門客萬斛珠璣上相詩每望暮雲  
添別恨敢辭暑雨滯歸期烟開齊魯山明處潮  
落金焦月出時白髮迎門共歡笑酒杯茗碗說  
京師

經筵宴

供奉文華日漸高精勤無乃  
聖躬勞巖廊宴  
罷趨東閣金鶴餘香襲絳袍

慶成宴

是日以微病不與有  
旨頒給

殿上平明御宴開詞臣列坐近中台自慚伏枕  
還沾被  
勅使傳宣特賜來

修書宴

會典重修  
寵命新部堂賜宴集儒臣紙籤試  
看何方坐前席中間第四人

題王昭君圖

一曲琵琶萬里身西風無計避胡塵  
工恐累  
君王德不寫宮中第一人

方鳳  
鳳字時鳴與兄鵬同科進士授行  
人改御史性高爽負氣不肯詭隨于時放



王參詩集卷四  
跡肆志自適為詩亦豪俊時稱二方比宋  
郊祁云

間居

自入春來日日閒柴門無客喜常閑枕書穩卧  
依高樹呼酒清吟對小山葉暗新枝花盡落泥  
添故壘燕初還從今識得偷生術不放愁催兩  
鬢斑

柴奇 奇字德美邑人攻苦篤學舉楊慎  
榜進士為吏科給事中奉 命紀功山東  
覈功罪不爽疏論邊儲屯田諸抑權倖事  
及柅 武宗皇帝南巡遷光祿寺少卿十

年始丞應天復四年乃為府尹生平恥附  
權倖故爾偃蹇詩文雄麗峴嶸有氣遺稿  
十卷俊為其序

何燕泉構堂摘陶詩語名其室各和其韻予  
因繼響

長日謝塵紛清世寡簡書睽茲朝市地亦復山  
居如敷雲藹雙闕素月流長衢蒲澗自青青柳  
巷亦踈踈比德玉清越摘辭佩鬱紆緬惟芳訊  
初夙奉華恩餘門迴長者轍徑闢君子居幽懷  
慙時序精理晰鳶魚時謂朋好合孰云繩墨拘  
貞想無物感吾以名吾廬



右貞想

公退多暇日晨夕望東山東山有佳趣謝公去  
千年聲跡隨逝水奔趨赴重淵芳蕤紅灼灼新  
荷綠田田含景清淮上承流紫氣間幽禽棲我  
屋好書堆我前紆迴翳餘蔭闐寂澹孤烟夕月  
下山岑朝日上城顛日月成代謝職事得餘閒  
餘閒豈不念所得非其然

右餘閒

登會泉亭

陪尾山欲飛其勢倏而劃既疑天始通復似地  
微圻亂石迸流泉奔騰更瀟灑突如玄豹蹲怒  
若黑虎踞萬顆灑明珠一泓映紅日清商激微  
羽金盤融玉液一見一惘然俯仰思今昔迺眷  
聖賢生厥名光簡冊亦佐 聖明時載肇漕河  
溢 聖德與地厚萬世功無斁

南京舊內二首

舊日書堂開碧灣琪花珠樹紫金山至今樹底  
黃鸝語疑是當年唱午班

一簇紅雲下玉波 翠華西幸試清和海榴花

底仙韶度去聽農人刈麥歌

過孔聖公南池觀舊魯泮

昔年曾集舊衣冠半壁浮空六月寒今日至人



唯種竹春風時見長琅玕

次盧思召寓潞河韻

危檣彩鷁望仙舟回首天高五鳳樓十日北風  
吹雪片計程明日下揚州

清江道院次徐翰學韻

山中花木自年年記得當時駐列僊百里風帆  
飛鳥度渚清沙白澹晴烟

石壁翻江返照餘長松脩竹護僊居半窓暝色  
聞歸鳥一炷清香讀道書

白樓太宰後園小桃初花賦貽因次其韻三  
首

晝日愔愔吏放衙十分春色闋芳華門墻舊日  
通蹊徑不是桃花即李花

日上觚稜吏報衙多情長是感年華夭桃窓下  
春如海淺碧深紅幾樹花

天子當陽御正衙經帷天近日東華 恩深猶  
荷憶顏色重看玄都觀裏花

京口夜宿祐聖觀登玉皇閣二首

閣上烟雲四望迷閣前風物夜淒淒空濠雁影  
寒潮落遠寺鐘聲山月低

幾樹寒松高閣前一燈無那對愁眠唯應鐵甕  
城邊水相送行人不記年



馬鞍山次韻

入山看白雲雲氣四時吞竹密妨泉竇巖欹出  
樹根漁舟還泛泛茅屋自村村長日蒲團坐清  
風為款門

壽萱一首寄壽周母吳孺人

卉木各生理北堂多護少和氣孕其根祥風沃  
其稟時至長精神開花獨妍好厥名為宜男生  
男當國寶亦名為忘憂憂已釋懷抱黃雀歸玉  
岡紫鸞下蒼顛採之薦壽筵玄閭日杲杲侑以  
千歲桃從以如瓜棗貞孝有遺芳  
貞孝先生  
之孫女後母也王茁更文藻欣華方及時蓀萐

歲華早

與諸同年登馬鞍山次顧內翰韻

有約重登雨後山雨深蒼翠落杯盤客懷渾似  
秋容淡世路應如蜀道難樹杪烟霏迷遠寺樓  
頭燈火照危欄同年此會良非偶留作山中故  
事看

金陵登山次韻

古木蕭蕭動晚風歸鴉點點夕陽中山名終古  
悲陳主墩姓他年屬謝公風景不緣今日異壺  
觴有約幾人同登高覽勝詩千首往事悠悠淮  
水東



舟泊徐州次韻

無那鄉心夜不眠  
催人節物正愁邊  
亭空雀去  
風光別水落城高  
樹影圓燕子樓前  
餘舊恨楊花陌上  
有新烟十年行役  
留題處今日重來  
獨惘然

同張申臺齋居

晴篠含風翠葆輕  
故人相對不勝情  
百王典禮惟玄時  
六載清齋屬鎬京  
銀漢月明鳩鵲觀  
瑤壇春轉鳳皇城  
懸知聖主精禋日  
雀躍嵩呼正慶成

登鳳皇臺次韻

樓臺曾見昔人遊  
遠樹依依江水流  
何日鳳皇歸故國  
誰家池館接荒丘  
紫雲香氣琪花苑  
白日晴光燕子洲  
莫向樽前歌慷慨  
薊門烟柳有新愁

次華泉韻

邊廷實

漢時周郊太乙庭  
紫霄清切集僊靈  
羽林翼騎前旌直  
玉帳鉤陳葆蓋停  
聲度鳳簫聲寂寂  
香浮寶鼎夜冥冥  
當年也媿倍冠履  
三奉華恩鬢已星

歸雲亭

雲自無心出復歸  
歸來依舊宿巖扉  
似嫌車馬



紅塵地長向南山深處飛

送同年王司成還武城

長江東下片帆輕 賜告西歸倍有情  
棧樸載歌周保氏菁莪猶識魯諸生  
于今當宁需材急自昔名流典秩清  
二十餘年重惜別淡烟芳少石頭城

俞璋 璋字朝相邑人正德辛未進士三

為郡推官能高擢大理評事卒

上方和東野韻

古寺晝陰寂綠蘿覆繩床天影下清霽  
松音落空香遠樹多暮色幽泉有深光  
持此積喧意來

訪逍遙場

周鳳鳴 鳳鳴字于岐倫子唐臯榜進士

授兵部主事陞員外郎郎中選舉嚴明改  
大理寺寺丞讞獄平允以言事免歸屢薦  
不起卒于家

車塘寺

野曠風逾勁天寒雀亂鳴放船依古寺  
歸路隔江城落木村烟起飛樓夕照明  
坐深幽意愜空外萬松聲

徐明 明崑山人官系莫攷

遊僊都山



玉峯詩集卷四  
十一  
鄴都真勝地一到即登山步入僊崖去留題石  
壁還落紅埋蘚逕積翠遶松關佳會良難再徘徊  
夕照間

玉峯詩集卷四



鄧都其勝地一到即登山步入松崖去留題石  
壁遺落紅埋薛迤補翠遠松隨住舍良難再辨  
細夕照間



